

福建府縣志輯

中國地方志集成

民國連城縣志

民國長汀縣志

中國地方志集成

福建府縣志輯 ③⑤

民國連城縣志

民國長汀縣志

上海書店 ● 巴蜀書社 ● 江蘇古籍出版社

連城縣志舊序

宋紹興三年歲癸丑析長汀之蓮城堡及古田鄉六團

里置蓮城縣文獻通考宋史清一統志並同府志汀元

至正六年改蓮為連至明嘉靖三十五年丙辰陶令文

淵以立縣以來未經輯志得前任金令榜彙輯志稿若

干卷采纂成書是為纂輯縣志之始距置縣時已四百

二十有四年矣又閱七十年為天啟五年乙丑張令大

觀以志殘陋進博士弟子共修之迄丁卯而告成是為

修縣志之始越丁卯又十二年為崇禎十二年己卯陶

連城縣志

卷首

一

惟長壽印

令文彥再修清順治四年丁亥燬於火至康熙五年丙午杜令士晉舉而修之距崇禎己卯為三十七年又八十五年為乾隆十六年辛未徐令尚忠聘寧都李太史龍官同修此後遂無聞焉至於今又百七十年矣舊序之可考者次而存之亦蒐乘者之所有事也民國五年甲寅初夏承乏是邑喜地僻訟簡然前此多缺官廢事雖錢穀簿冊稍年遠者輒淪缺無稽六房司典吏止三四人兼領之多或不能終其後且安其身也官遷轉者什不一二官吏視為傳舍孰與圖成政垂法也哉立縣以來未經

輯志上司移文訪取因奉而諏詢士夫世家者舊父老各

取記載用備采集庠生黃朝陽進曰前令金諱榜者嘗究

心於志彙稿將半值以事去稿漫逸陽得而藏諸笥者若

千篇請輯而成之自是有緒可尋披集纂錄逾年而就適

會朝親又明年夏復任乃舉而行之竊惟連城土多冗燥

磽瘠不堪耕植俗雖儉不阜於財民多僭不閑於禮田賦

不過七千石計田不過一萬四千頃歲收計丁口不足以

給半載余質樸昧不克敷宣治理乃勉焉託之於志俾後

之人愛勤於是按城社以思守焉覈賦額民數以思養焉

連城縣志

卷首

二

惟長壽印

訪習俗以思教焉修貢賦以思敬焉稽祀典以思正焉則又余之惓惓者也崑山陶文淵定齋撰
邑有志徒志邑乎哉所以備省郡二志之文獻擷蒐而傳為當時後代信志也邑志信則郡省二志皆信省郡二志可以徵信則士大夫之家乘不得志誣以亂真朝廷鉅公之正史不至傳訛以貽誚至於山川之靈變城池之勦修利害之因革風土之淳薄人才之盛衰戶口之多寡賦役之增損與夫文章詞賦之華人物是非之林苟有繫於政治無不載其公且覈足信也吏於其土者一開卷而臚列

可攷鏡政事修明風俗厚美恒必由焉而天下之治因之矣夫合天下之家國華而為會城分而為列郡其信史信志重而可徵者必自菟邑志始邑之有志顧可輕乎哉不佞款啟固陋生於西南滇天末去開幾萬里鄉先後輩鮮宦游閩中者筮仕而令連城問政問俗無由也連城僻在汀一隅居萬山深峒中而與江之度粵之潮界寇盜所出入之區獨去海稍遠入明以來患於流寇者四矣既履任見其風習樸樸應問問因清徭賦覈倉廩簡獄狴緣土戍修陂塘禮紳大夫問俗焉進博士弟子問道焉以為選明

連城縣志

卷首

三

四

而儒美庶幾政舉而刑清迺其時異於昔矣則又遠而求之志古猶今今猶古也或可沿紀載纂前修而損益調劑以為治諸博士弟子出其近所修志稿以進曰是前志之傳信不改於今者也是以今志之增修改竄而稽覈訂正潤色乎前志者也連邑最爾僻遠文獻可徵也不佞有所藉手矣夫天下之耳目惟近者可信而近者最不可信則何也意易耳以耳目耳目一易故雖近而信不易也天下士之議論惟獨者可憑而獨者最不可憑則何也以獨見獨聞闕議論以獨耳獨目闕聞見議論有闕故雖獨

而信又不易也夫志也者耳目議論之叢也今夫山川土田有目者所共覩有耳者所共聞然有利在變易者且妄更置焉竊以入於志伏異日不可信之端而況其他者連城惟僻且遠也則不至是文明鬱萃心志未變耳目合一議論和同則信之物也政失而求之文禮失而求之野其必在茲志也乎他日省郡二志且藉是信而傳焉寧獨不佞治一邑政教賴之溟浪張大觀撰

今寓內郡國志率數十年而一修何也沿革廢置是非得失學士能議故老能言也過此則無徵而不信噫此連城

連城縣志

卷首

四

四

志所由修也雖然新志傳則舊志廢茲志也不當難且慎乎哉不佞嘗閱江志矣江之鄱陽志載湖田幾千畝歲苦陽侯而修志續載云僕有明慈剛斷來官茲土為民請命當以九百餘米攤派山曰夫湖江人也山亦江人也攤此以與彼然且增入志中遂致山湖人數年爭譟曾再力請清丈而謗議忽騰吏謫已及矣不佞又嘗閱粵志矣粵之省志博瞻精覈其筆藻可以不朽而其發揚昭聞亦可以不磨及觀名宦鄉賢志簡而不苛覈而不濫世所稱楊貞復先生歿二十餘年鄉賢未及叩之則評議未定也可畏

哉。至夫沙田數萬頃。爭者盈几案。而無敢妄亂飛詭。竄入賦役籍中。其嚴如此。然後知粵省志之不朽而不磨者。其郡邑志皆可藉以為信也。今閩通志纂修十餘年而未成。書往者黃文簡先生修吾溫陵志。時則今林大司徒何蘇二少徒裁筆而專其議。豈不亦一代宗工鉅匠聚於一時乎哉。志成而文簡先生有遺憾焉。則何以故。然則省志之未可成。無亦諸郡邑志多如文簡所憾者。而未敢據以為信與。夫數十年之政教風俗。數十年之信志出焉。數十年之郡國志。則數十年後為政者之憲章也。上有政教。下有

連城縣志

卷首

序

五

連城縣志

風俗前有典型。後有治化。志也。所以信今世。詔來茲也。若不能信於今後人。孰能信之哉。連城之難且慎也。修其信而已。噫嘻。斯道絕續在乎其人。斯文明晦在乎其時。斯世治理在乎其上。志不可以為政。而游神於志。必可以為政。此又修志者之盛心也。溫陵楊翼峰撰。

序張志

連志輯於先令陶公。迄今將百年。天啟乙丑冬。邑侯張公來知縣事。通朝命修神廟寶錄。檄採各郡邑乘。侯以舊志簡陋。遂捐俸徵集諸名流。旦夕纂輯。決歲稿成。孟潛備員僚佐。叨與訂正。因是紀其歲月。附諸簡末。主簿何孟潛撰。

序張

余以甲戌奉命宰連。接搢紳子衿。與諸父老。恂雅簡樸。心竊喜曰。是殆經文公所化者也。披覽邑乘。生齒繁殖。人文與蔚。余歎所載與所見無以異也。未幾。郡守唐侯纂修府志。檄召屬縣採輯。按連志創自嘉靖丙辰。前令陶公大端雖具。簡畧尚多。閱天啟丁卯。余同里諸臺張公來令。適修纂神宗寶錄。因志殘陋。慨然興舉。徵名流襄厥事。體裁宏正。訂考周詳。煥乎五都巨觀。余復何贊。抑思天道十年一變。王政三載考成。繇丁卯迄今。歷一紀矣。故舉舊存版籍。

連城縣志

卷首

序

六

連城縣志

復與孝廉童君茂成。童君應舉。茂才林生元。湯李生涵。謝君家寶。黃生兆。閻謝生錫。命沈生期。揚補遺增缺。替余一得冀有以成吾友諸臺未竟之志。而仰副唐侯採輯之盛心。至於沿習代更。後有美而必彰。端俟將來之知連者。浪陶文彥撰。

志有一統。有省有郡。有邑。志莫小於邑。然邑合為郡。郡合為省。省合為一統。一統合而一代之史基是。千秋之史基是。夫至一代千秋之史俱基是也。誰謂邑志小哉。蓋邑視天下雖小。輿地有災祥。建置有廢興。產籍有登耗。官師有

臧否選舉人物藝文有歲表注往鑒來一與史等非三長具史不能修也非三長具志亦不能修誰謂邑志小哉且修志貴有其才與學與識亦貴有其時時和年豐訟獄衰息一無水火盜賊之警從容徵文考獻始為快事故連城志未可修也寡陋如余既無其長地瘠且偏不通商賈山無果木水無魚鹽之利且戊子土寇陷城大肆焚掠逃亡徧屋殘喘未蘇連城志未可修也雖然不容已天啟丁卯來迄今凡四十年許又經鼎革苟不急為編輯久將湮沒而予叨牧茲上又適玉師蕩平三島民心摺伏諸上臺亦

連城縣志

卷首

七

修志序

復多方安集東鴻漸有家室亦不敢盡以無其時自註故仍舊增新勉從賢士大夫後也豈敢曰修亦因時重加補葺云爾都門杜士晉撰

連城建邑肇自南宋其為志也初修於嘉靖丙辰繼修於天啟丁卯三修於康熙丙午其初則人事荒略蒐羅未遍其後則兵戈甫定瘡痍未蘇所謂文不雅馴摺紳先生難言之今國家重熙累洽休養百年而高安徐公以明經高等出宰連城諸賢豪父老屢以志請公辭不獲適余以內艱家居固招余互相商榷凡五月而告成夫天下之事後

起者勝非獨以創始者難為功而繼起者易為力亦以得失有所監而是非無可蒙也今一開卷而連城數百年之因革數百里之利病森然立於其前如第四文而已則唐書之修廬陵誇其事增而文省而世之論者且有謂其不如舊書之華瞻者矣寧都李龍官撰

序徐志

連城縣志

卷首

修序

入

修志序

連城縣志序

宋司馬之編通鑑也以書局自隨劉范為助歷十
九年而成邈哉昔序弗可及已縣志雖微亦一邑
之鑑也清康熙初杜令士晉脩邑志猶謂非其昔
而弗容已焉序視今之昔何如也繼杜志而一脩
者徐令尚忠此後失脩垂二百年當道光間凌令

連城縣志

卷首 序

一

八

光斗欲脩而未果其昔宜可為惜夫弗果脩而去
也焉序以視今之昔何如也民國五年閩省開通
志局領通例於郡縣知事陳一堃承之開縣志局
命同人等主其事編不及一二疊經兵革停頓者
幾二十年二十六年李君雲霄等以徐志書版垂
絕而之縣長王集吾議續脩以喪亂民困艱於

費躊躇焉周君樹澍自暹聞之亟匯三千金飲公贊

且馳書敦其速成里深哉毋亦杜侯所謂非其昔
而弗容已者邪招集同人彫謝過半典策墳籍蕩焉
盡存而卒弗容已華群力集眾里閭相於丁丑仲秋
迄戊寅冬乃竣事律候成於楊君懷祖禮俗吏政成
於童君魁楓地理大事山川名勝雜衆諸篇成於黃

連城縣志

卷首 序

二

八

君穎成是皆華之大者所助多矣雖然厥名曰脩亦
草創云爾討論脩飾潤色固未之逮也後有學識之
君子脩而正之文而行之度幾哉一邑之典章文獻
久無失墜斯則余所憐之者也

中華民國二十七年冬至日邑人鄧老澐序

連城縣志例言

舊志自陶而張而陶而杜而徐不能盡得而讀之矣然有讀序而知其書者今讀張序與楊序固知其志之精而信也徐志全錄舊序而篇次或倒錯茲順其次擇其有關於志者存之具源流也

李氏作寧化志不欲為一邑之書故謂自覺迂曼無當簡潔茲之所修在邑言邑求免南山不治之譏而已所傳徐志或猶病焉況事更百七十年中經兵燹文獻不足無所取材故非足徵寧闕毋濫明實錄也

連城縣志

卷首

楊序張志有言新志傳則舊志廢宜乎其難且慎也今修新志於舊志事類審覈者備載之以存其真其論叙詳明者不敢勒說亦援裴松之注三國志之例連類夾行注寫用資參閱懼遺佚也

福建通志局編訂縣志通例參攷得失損益繁簡頗善折衷先志後傳一本馬班土地政事為志人民為傳以緯候大事繫土地以戶口物產職官藝文屬政事而不必存三部之名則本寧化志而斟酌之者也采錄事蹟以民國紀元五年為限今雖間有殊異要之大關不踰

同文軌也

圖最古始於河洛表則創自龍門蓋名象參錯者非圖弗著事類繁縟者非表莫明也然圖表古自為卷今圖繁卷首末獨各附以從其類便省覽也

方志紀星野錄來舊矣易以經緯晷度自乾隆熱河志始阮氏修通志因之惟善之從古說可存古法亦可弗泥也正經緯度而時節氣候之交與日之出入遲早可推焉重人時也

東漸於海西被於流沙朔南暨暨至也及也朔南亦及

連城縣志

卷首

二

流沙及海也此禹貢九州之四至也於各州之界則畫以山川導山也疏其條列導川也匯其支流星分眉列萬世莫易焉循經體之軌躅正疆理於方隅辨經界也治亂循環天道亦同於人事漢儒占天文五行仍以人事決之災祥附於大事亦猶顧氏春秋大事表之例也示警畏也

戶口之盈虛物產之豐歉賦稅之輕重度支之贏朒識者於是觀政焉司馬書平準封禪寓辭論於叙記之中陳數知義是在讀者後有述者于焉取法寓風勸也

物產有志非曰多識於鳥獸草木之名也貨惡其棄於地力惡其不出於己也凡厥庶民既富方穀人牧之義豈惟其名若夫名物之辨品物之用材物之製是有事家毋夸獵取區本末也

舊志官師署職之官不名於籍名之不存雖有善政將安所附故事功彪卓如劉侯宗宣攝縣之名且泯焉徐志別列署縣姓名附於知縣之下蓋修之者徐侯繼而成之者署令高侯也君子為仕固將行其所學寧以久暫而渝民之於官惟撫字我者愛戴之寧以久暫而異

連城縣志

卷首

三

四

既攝其職固已官其位矣並存焉可也今表職官於先朝攝縣之有可考者悉補載之重職守也

武備之有銜汛員弁分載於建築職官實業之有織造附注於物產茲故從闕避複雜也

道路交通古政基重邑境公路建設在志局之後成書以前補編交通一門庶無罣漏非越例也識其大也安上治民莫善於禮化民成俗其必由學無禮無學賊民興矣變之所趨一日千里追原厥故主風化者寧無責耶存其概畧庶後之君子得覽焉慎省括也

史志藝文第存卷目六家七畧實開厥先累牘連篇義例既乖亦厭蕪雜山縣僻小作述蓋勉蒐錄遺著毋取侈張存手澤也

傳經之學尚於漢漢書為立儒林傳後世祖之義理之學感於宋宋史創為道學傳後人營之學固無分漢宋惟其是而已自漢以來從祀廟廡者皆稱先儒也此都先正類多服膺閩洛道南之風猶有存者今概編入列傳尊古誼也

孝友有傳昉自詩人張仲孝友之言然周官司使以鄉

連城縣志

卷首

四

四

三物教萬民二曰六行孝友睦婣任卹稱孝友未足以賅六行也府志目有鄉行今從其稱先進遺行可風者傳之為鄉人矜式焉義有所因例亦不嫌於創綜名實也

禮附曲藝于德進事舉言揚之次而孔子謙稱少賤故多能不試故藝則藝能誠不可廢也鄉行之下為藝能傳亦古鄉大夫以德行道藝興賢者能者之義也式古訓也

治民之道德禮尚矣政教其次也政教善斯循吏矣循

吏有傳自孟堅始茲編不以親民之吏為限善政善教
昔之人已名宦之斯亦循吏之爾示不忘也

連城縣志目錄

卷首

舊序 序 例言 目錄 編纂姓名 縣圖



卷一

緯候志

卷二

地理志

卷三

大事志

卷四

山川志

卷五

水利志 附橋梁

卷六

城市志 附里圖鄉集

卷七

建築志

卷八

名勝志

卷九

戶口志

卷十

賦稅志

卷十一

物產志

卷十二

度支志

連城縣志

卷首

二

目錄

卷十三

職官志

卷十四

學校志

卷十五

選舉志

卷十六

交通志

補編

卷十七

禮俗志

卷十八

惠政志

卷十九

祠祀志

卷二十

藝文志

卷二十一

列傳

連城縣志

卷首

三

目錄

卷二十二

鄉行列傳上

卷二十三

鄉行列傳下

卷二十四

文苑列傳

卷二十五

獨行列傳

卷二十六

藝能列傳

卷二十七

忠義列傳

卷二十八

循吏列傳

卷二十九

列女傳上

卷三十

列女傳下

連城縣志

卷首

四

卷首

卷三十一

方外傳

卷三十二

雜錄

附勘誤表

連城縣志編纂姓氏

主修官

縣知事陳一瑩湖南

總編纂

鄧光瀛 章百

編纂

吳作梅 汝和

沈邦元 朗西

沈步周 辰年

連城縣志

卷首

編纂姓氏

一

卷首

李春融 籍人

謝家鳳 翔九

吳琮 仲瑜

羅拔茹 素征

吳拱辰 次北

童春濤 小蘇

童魁楓 近宸

羅鎮澄 先勳

謝宏裕 含生

吳彤棠 子尹

項朝欽 勁齋

張愛棠 華邨

黃肇河 潤軒

李雲霄 步青

羅在鏞 品笙

黃穎成 佩囊

李齊賢 師張

吳蔭梅 莊卿

縣長王集吾 瓊州

張維修 梅卿

華汝槐 翠庭

沈步修 希九

楊懷祖 考孫

謝邦良 楚材

校對

謝光臨 濯生

鄧濟民 雨蒼

謄錄

童慶庚 藕船

吳禹田

鄧本渭

繪圖

童源九 曲坡

連城縣志


卷首

編纂姓氏

二

附錄

連城縣全圖



秒近值如上 按近代推測日精知地球南北中軸非絕對固定蓋以諸曜每日東行宮春分點每歲逆行五十秒一謂之歲差極距北極度因之微有變更地軸夫緯度又有不齊變速之率動差中軸一移全體皆變赤道緯度自不得不隨而微變愛惟地僻時卒器復不精罕免據民國二十七年所測志之經度指圖約在英移林威爾毫釐千里之差資參考而已經度指圖約在英移林威爾東一百一十六度半至一百一十七度十分之間經有東西故日臨有先後而春分點定焉緯有南北故光被有廣狹而晝刻數定焉經緯定而天之高星辰之遠千歲之日至可坐而定求其故也蓋夏至前後日在赤道北北極全被日光半年常晝自此極北緯九度至北緯二十三度二十

連城縣志

卷一

三

八分即赤道赤道間近極則日被度大其晷長遠極則日被度小其晷短冬至前後日在赤道南南極半年常晝北極則半年常夜自北極至赤道間漸近赤道則晷晷漸長維春秋分日行赤道適為各子午圈之極故同子午圈之地日之出入同時晝夜同刻欲明其消長為晷刻表一

一晷刻表

節氣	晷刻時數	日出時刻	日入時刻
小寒	九三五三〇	八一二一五	五五七四五
大寒	一〇一〇	七五九三〇	六〇三〇

立春	一〇二二五〇	七四九五	六一〇五五
雨水	一〇五〇四	七三四五八	六二五二
驚蟄	一一二六三四	七二六四三	六四三一七
春分	一二〇〇〇	六六〇〇	七〇〇
清明	一二三四五四	六四二二三	七一七二七
穀雨	一三一七八	六二二二六	七三四三四
立夏	一三五〇三五	六四四三	七五五一七
小滿	一四二一六	五九二七	八一〇三三
芒種	一四四三一八	五三八二一	八二一三九

連城縣志

卷一

四

夏至	一四四九四〇	五三五〇	八二四五〇
小暑	一四四三八	五三八二	八二一三九
大暑	一四二一八	五四九二六	八一〇三四
立秋	一三五三〇	六三二五	七五六四五
處暑	一三一七三八	六二二二	七三八八九
白露	一二三九五〇	六四〇五	七九九五
秋分	一二〇〇〇	六六〇〇	七〇〇
寒露	一一二〇二二	七一九五四	六四〇六
霜降	一〇四八三八	七五五四	六二四瓦

